

teriolem; marginem vero extimum miniata Patrum nomina occupent, e quorum sententiis *Expositio* coaluit. Praefaminis initium est: *Principia rerum requirenda sunt prius, ut earum notitia plenior possit haberi. Totum Opus exit: Gratia id est purgatio peccatorum et alia dei munera sit cum omnibus vobis amen.* Nulla in toto Codice Lombardi mentio, ne quidem in antiquissima Editione *f. l. et a. f.* ad cuius calcem solum legas: *Explicit glossa ordinaria ac magistralis super epistolas beati pauli apostoli &c.* Adscripsit tamen Exemplaris nostri fronti Miniator: *Petri lombardi alias magister sententiarum dicti glosa ordinaria &c.* Vide tamen, ne cum *Walafridiana* confundas.

CXCVIII.

- U. 290 Codex chartaceus lat. Sec. XIV. Folior. 260. f. per duas columnas nitide exaratus, rubricis decorus, et olim, ut Theca anterior loquitur, *ex testamento cuiusdam Presbiteri oblatu domui collegij ducalis per M. Paulum de Mellico theologie professorem et decanum Ecclesie s. stephani Wienne* continet, quemadmodum e calce transfero, *Dicta petri Lambardi super epistolas pauli.* In vetusta Editione *f. l. et a. f.* inscribuntur: *Glossa ordinaria;* in *Parisiensi* vero 1547. 8. *Collectanea in omnes D. Pauli Epistolas.* Prologus incipit: *Principia rerum requirenda sunt prius, ut earum noticia plenior possit haberi &c.* Commentarius vero in

Ep. ad Rom. ita: *Paulus seruus — qui sunt Rome, bucusque enim pendet litera ut perficiatur sententia, et subintelligitur, mandat vel scribit. &c.* Augustino, Hieronymo et Ambrosio plurimum ufum fuisse liquet nostrum. Ad calcem: *et alia dei munera sint cum omnibus vobis. amen. Expliciunt* (ut supra) *sub anno domini Millesimo tricentesimo septuagesimo octavo sequenti die post festum sancti Michaelis.*

CXCIX.

Codex chartaceus lat. Sec. XIV. R. 491 Folior. 182. f. per duas columnas nitide exaratus, rubricis distinctus et quondam *Benedicti* cuiusdam *de Bnoffa* continet idem Opus, sed hoc rubro: *Incipit Glossa ordinaria magistri sententiarum Petri Lombardi super Epistolas Pauli doctoris gencium.* Cetera, ut supra, et alias saepius hoc *Vol.* Verum in Expositione v. 17. c. 1. *ad Galatas* Codex deficit.

CC.

Codex chartaceus lat. Sec. XIV. R. 28 Folior. 203. f. per duas columnas currente calamo exaratus et minio distinctus, est, ut e calce praeoccupo, *Glossa ordinaria magistri petri Lombardi super epistolas beati pauli Apostoli Reportata wienne per stephanum scolarem de chötzze (Kitsee?) Anno domini M^o CCC^o LXIX^o.* finita proxima sexta feria post festum sancti Michaelis Archangeli. Pertingit vero ab Epi-

Epistola ad *Galatas* ad Epistolam ad *Hebraeos*. Manifeste igitur prior ejus Pars ab hac posteriore divulgata est. Incipit haec a Prologo hujus modi: *Paulus Apostolus &c. Hanc Epistolam scribit apostolus galatis, galate autem sunt greci &c.* et finit: *purgatio peccatorum et alia dei munera sint cum omnibus uobis. Amen.* Post relatam supra *ὑπογραφήν* Scholaris ille, qui inter antiquissimos *Viennensis* Gymnasii censeferi potest, adjectis tribus lineis ignoto charactere exaratis crucem fixit lectoribus, cui revelendae inmorari non est visum operae pretium. Collectanea *Petri Lombardi* in *Paulum* e PP. saepius prelo subjecta extant.

Membrana Codicem ambiens mutilas exhibet *Literas Johannis XXII.* datas *Avenione V. Kal. Maj. Anno Undecimo*, itaque 1327. quibus injungit *Abbati S. Martini de Sacromonte Pannonie Jaurien. dioc.* ut procuret restitutionem variorum Bonorum et Instrumentorum ad Capitulum *Posoniense Strigonien. dioc.* pertinentium, quae a nonnullis ignotis Filiis iniquitatis occultata detinebantur.

CCI.

U. 31 Codex partim membraneus, partim chartaceus lat. Sec. XV. Folior. 397. f. per duas columnas bene exaratus et rubricis enotatus, quem ad Collegium beate *Mariae Virginis domus Rubee Rose apud fratres predicatores In Wyenna* testamento dedit *M. Paulus ex*

Melico art. et sacrae paginae Prof. ac ecclesie ad sanctum *stephanum decanus premeritus* mortuus in die *prisce Virginis 1478.* ut *Theca Codicis* anterior perhibet, complectitur *Nicolai de Lira O. M. Postillas in Epistolas D. Pauli, VII. Canonicas, Actus Apostolor. et Apocalypsin*, quibus additur fol. 382. *Questio Nicolai de Lira contra iudeos.* Initium est: *Ecce descripsi eam tibi tripliciter &c.* Ad calcem Paulinarum: *Explicit — Anno domini M° CCCC° 53° sabato die ante dominicam Letare est finita.* Ad calcem Apocalypseos: *Explicit — Sub Anno domini Millesimo &c. Quinquagesimotercio In Vigilia Sancti Thome Apostoli. Ulricus planck.* Demum ad calcem Quaestionis: *Explicit questio Magistri Nicolai de Lira contra iudeos scripta parisiis Finita Anno domini M° CCCC 1°. Ulricus planck.* Atque hic annus in manifesto mendo cubat; neque enim *Liranus* a. 1340. mortuus Opusculum hoc scribere a. 1401. potuit, neque *Ulricus* illud hoc anno finire, qui finiit praecedentia a. 1453. Opusculum istud, quo Christi Divinitas vindicatur, etiam in Editionibus *Postillis* et *Bibliis* glossatis adjunctum esse solet. Incipit: *Utrum ex scripturis a iudeis receptis possit efficaciter probari &c.* Extat tamen et alias impressum. *Ulricum Planck* Theologorum Pedellum fuisse, ex alio Codice liquet.

CCII.